



Broj: 05-3566-6/19
Sarajevo, 30. 10. 2019. godine

Na osnovu člana 23. stav (1) tačka d) Zakona o Agenciji za bankarstvo FBiH („Službene novine FBiH“, broj 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj 3/18), člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), na osnovu preporuka Komisije za nabavke iz Zapisnika o pregledu i ocjeni ponuda, broj: 05-3566-5/19, 05-3566-5-1/19 i 05-3566-5-2/19 od 23. 10. 2019. godine, u postupku javne nabavke računarske opreme, direktor Agencije za bankarstvo FBiH donosi

ODLUKU

o izboru najpovoljnijeg ponuđača u postupku nabavke računarske opreme

I.

Prihvataju se preporuke Komisije za provođenje postupka javne nabavke računarske opreme za potrebe Agencije za bankarstvo Federacije BiH (u nastavku: Ugovorni organ), broj i datum iz uvodnog dijela ovog akta te se ugovor za predmetnu nabavku u dijelu postupka nabavke koji se odnosi na Lot 1 dodjeljuje privrednom subjektu „Kodeks“ d.o.o. Sarajevo, ugovor u dijelu postupka nabavke koji se odnosi na Lot 2 dodjeljuje privrednom subjektu „Rebus“ d.o.o. Sarajevo i ugovor u dijelu postupka nabavke koji se odnosi na Lot 3 dodjeljuje privrednom subjektu „Digitarija“ d.o.o. Sarajevo.

II.

Ukupna vrijednost ugovora iz tačke I. ove odluke – po lotovima, bez uračunatog poreza na dodanu vrijednost (PDV-a), iznosi:

- 1) Lot 1: **201.800,00 KM**
- 2) Lot 2: **52.150,00 KM**
- 3) Lot 3: **77.700,00 KM**

III.

Po okončanju roka za žalbu, Ugovorni organ će s izabranim ponuđačem zaključiti ugovore kojim će regulisati međusobna prava i obaveze.

IV.

U skladu s članom 70. stav (6) Zakona, Ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Odlukom o pokretanju postupka javne nabavke računarske opreme, broj: 05-3566/19 od 30. 09. 2019. godine, odobreno je provođenje postupka predmetne nabavke za potrebe Ugovornog organa. Javna nabavka provedena je putem otvorenog postupka, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona, Obavještenje o nabavci broj: 3010-1-1-310-3-45/19 objavljeno je na Portalu javnih nabavki (ejn.gov.ba), dana 03. 10. 2019. godine, i Službenom glasniku, broj: 69/2019 od 11. 10. 2019. godine.

Prema uslovima navedenim u tenderskoj dokumentaciji (u nastavku: TD) predmetna nabavka je podijeljena na tri lota, sa slijedećim procijenjenim vrijednostima nabavke - bez poreza na dodanu vrijednost:

- Lot 1: 205.000,00 KM
- Lot 2: 55.000,00 KM
- Lot 3: 80.000,00 KM

U skladu s odlukom Ugovornog organa, imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponuda – po lotovima, u kojima je utvrđeno da je broj ponuda pristiglih po lotovima slijedeći: a) Lot 1: 5 (pet) ponuda, b) Lot 2: 4 (četiri) ponude i c) Lot 3: 5 (pet) ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja za sva 3 (tri) Lota, Komisija je utvrdila:

- da ponude ponuđača „Time Code“ d.o.o. Sarajevo, „Rebus“ d.o.o. Sarajevo, „Digitarija“ d.o.o. Sarajevo, koje se odnose na sva tri lota predmetne nabavke, te da ponude ponuđača „Kodeks“ d.o.o. Sarajevo, koje se odnose na Lot 1 i Lot 2 predmetne nabavke ispunjavaju sve uslove i zahtjeve iz TD, pa su iste ocijenjene kao prihvatljive za Ugovorni organ u predmetnom postupku nabavke,
- da se ponude ponuđača „Emado“ d.o.o. Sarajevo (Lotovi 1, 2 i 3) odbacuju na osnovu člana 68. stav (1) i (4) Zakona, iz razloga što navedeni ponuđač nije ispunio sve zadane uslove i zahtjeve iz TD.

U ponudi navedenog ponuđača evidentirana je slijedeća nepravilnost:

- Ponuđač „Emado“ d.o.o. Sarajevo nije ispunio minimalne uslove za kvalifikaciju navedene u poglavlju III. (Uslovi za kvalifikaciju ponuđača), tačka 3.3. (Ekonomska i finansijska sposobnost – član 47. Zakona o javnim nabavkama), s obzirom na to da isti nije dostavio valjanu Potvrdu izdatu od strane banke da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci.

Navedeno odstupanje u suprotnosti je sa zadanim uslovima iz tačke 3.3. (Ekonomska i finansijska sposobnost – član 47. Zakona o javnim nabavkama), podtačka a) TD.

Nakon odabira prihvatljivih ponuda ugovorni organ je pozvao ponuđače da isti sudjeluju u e-Aukciji koja je održana dana 28. 10. 2019. godine, kako slijedi: Lot 1 - 10:00 sati, Lot 2 – 10:30 sati i Lot 3 – 11:00 sati, u kojoj su svi ponuđači aktivno sudjelovali te podnijeli nove cijene (vrijednosti) ponuda.

Konačno rangiranje ponuda prema kriteriju za dodjelu ugovora nakon provedene e-Aukcije dajemo u sljedećim tabelama:

Broj lota: Lot 1

Redni broj	Ponuđači	Ukupna cijena, bez PDV-a
1.	Kodeks d.o.o. Sarajevo	201.800,00 KM
2.	Time Code d.o.o. Sarajevo	202.100,00 KM
3.	Rebus d.o.o. Sarajevo	203.174,00 KM
4.	Digitarija d.o.o. Sarajevo	203.380,00 KM

Broj lota: Lot 2

Redni broj	Ponuđači	Ukupna cijena, bez PDV-a
1.	Rebus d.o.o. Sarajevo	52.150,00 KM
2.	Digitarija d.o.o. Sarajevo	52.440,00 KM
3.	Time Code d.o.o. Sarajevo	52.500,00 KM

Broj lota: Lot 3

Redni broj	Ponuđači	Ukupna cijena, bez PDV-a
1.	Digitarija d.o.o. Sarajevo	77.700,00 KM
2.	Kodeks d.o.o. Sarajevo	77.900,00 KM
3.	Time Code d.o.o. Sarajevo	78.000,50 KM
4.	Rebus d.o.o. Sarajevo	78.269,80 KM

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja po lotovima, Komisija je utvrdila da je ponuda ponuđača „Kodeks“ d.o.o. Sarajevo, najpovoljnija za Ugovorni organ u dijelu postupka nabavke koji se odnosi na Lot 1, ponuda ponuđača „Rebus“ d.o.o. Sarajevo, najpovoljnija u dijelu postupka nabavke koji se odnosi na Lot 2 i ponuda ponuđača „Digitarija“ d.o.o. Sarajevo, najpovoljnija u dijelu postupka nabavke koji se odnosi na Lot 3, te je ista dala preporuku da se navedenim ponuđačima, saglasno članu 69. stav (1) tačka a) Zakona, dodijeli ugovor za Lot 1, odnosno Lot 2 i Lot 3 predmetne nabavke.



Uvažavajući sve navedeno, primjenom člana 64. stav 1. tačka b) Zakona, člana 25., člana 70. stavovi 1., 3. i 6. Zakona, člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta Ugovornog organa, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- svim učesnicima u postupku
- a.a.

